

# Les iscriziuns ala Trienala Ladina 2016 é davertes

Les candidatöres é da dé jö cina ai 8 de merz 2016

Ert - La promoziun dl'ert ladina é le fin prinzipal dla mostra coletiva Trienala Ladina che gnará metüda da jí dal mäis de setëmber 2016 inant tl Museum Ladin Āiastel de Tor. I artisć y les artistes che ó tó pert ala mostra pó dé jö süa candidatöra cina ai 8 de merz dl 2016. La bandida dl concurs é publicada.

Ai 9 de setëmber dl 2016 dales 18.00 gnará la Trienala Ladina daurida ofizialmänter tl Museum Ladin Āiastel de Tor.

La Trienala Ladina 2016 á sciöche fin chël da valorisé y sostigní l'ativité artistica ti raiuns ladins ti pitan l'oportunité ai artisć y ales artistes da se fá conëscë a n publich ampl y a esperc dla critica artistica. Por le cuint iade él a chësta moda le Museum Ladin



**Le Museum Ladin de Tor á scrit fora la cuinta ediziun dla Trienala Ladina.**

Ciastel de Tor che mët da jí la „kermesse artistica“; ara sará da odëi da setëmber 2016 cina de jügn dl 2017 tl Museum Ladin a San Martin.



**Na impresciun de na ediziun passada dla Trienala Ladina.**

Tó pert al concurs artistich pó düc i artisć y les artistes dles valades ladines dles Dolomites (Val Badia, Gherdëna, Fodom, Fascia y Ampëz) dai Grijuns y dal Friul. Tó pert pó

ince i artisć che á n lian particular cun la cultura y la storia ladina. Dötes les formes de ert é ametüdes: pitöra, scoltöra, istalaziun, video, fotografia y insciö inant.

Por tó pert al concurs él nezesciar da dé jö süa candidatöra anter y nia plü tert co i 8 de merz dl 2016 dales 12.00. Da mëte averda: la data dl timber dla posta ne vel nia. La documentaziun pó ince gní menada ite tres email a chësta misciun: [info@museumladin.it](mailto:info@museumladin.it).

Na comisciun formada da 5 esperc dl setur gnará spo inciariada da stabili y detlaré i davagnadus y les davagnadësses. La verjiun integrala dla bandida dl concurs cun düc i detais che reverda la documentaziun damanada é da ciafé tla seziun „News“ dla plata internet [www.museumladin.it](http://www.museumladin.it)

Por plü informaziuns: Museum Ladin Āiastel de Tor, strada Tor 65, San Martin, tel. 0474/524020 [www.museumladin.it](http://www.museumladin.it)